

**ATORAN SAMBAYANG AKAN ANDAU MINGGU BAHASA DAYAK NGAJU
MINGGU, 12 JANUARI 2025**

1. PERSIAPAN / INTROITUS

- a. Doa Konsistori
- b. Berita Jemaat
- c. **UNGKUP MENDENG** tuntang manyanyi bara...
... **Nyanyin Ungkup 42 b : 1 - 3 “SORAK, LAHAP RAMI-RAMI”**
- d. Presbiter

2. VOTUM TUNTANG AUH TABE (P)

“Pandohop itah huang aran Tuhan, ije jari manjapa langit tuntang petak, ije jari mahaga janjie sampai katatahie, ije dia maku manalua kare tampan lenge”

“Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus” Amen. (**UNGKUP TAU MUNDUK**)

3. UNGKUP MANYANYI bara Nyanyin Ungkup 180 : 1 - 3 “KASAYANG TUHAN DENGAN ITAH”

- 4. MANGAKU DOSA (L)** Keleh itah mamparandah arep itah into taharep Hatalla, Tuhan itah, hayak mangaku dosan itah : “Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei”. Amen.

(**UNGKUP MENDENG**)

5. BARITA ASI SINTAN HATALLA (P)

Kilau rewar Yesus Kristus, ikei mambarita dengan gagenep oloh ije jari mangaku dosae into taharep Hatalla dengan kabujur ateie. Hatalla hamauh : “Aku mampalilap kare kalangkah kilau ambon, kare kasalam kilau baun andau; buli aku, karena Aku maliwus ikau” (Jesaja 44 : 22)

(**UNGKUP TAU MUNDUK**)

- 6. MAMBASA AUH HATALLA,** Keleh itah mahining auh Hatalla ije tarasurat huang Surat Barasih, iete bara Janji ije sulake iete bara **Surat nabi JESAJA** bagi **43** baris **1** sampai **7**, je kalotoh auhe :

Hatalla kareh maliwus utus ayue tumon janjie

43 Maka toh, kakai auh Tuhan, ije jari manjapa ikau, o Yakob, ije jari manawas ikau, o Israel: Ela mikeh, karena aku jari maliwus ikau, aku jari mangahau ikau manyewut aram, ikau puna ayungku. ² Amun ikau mahurui danum, te aku mampahayak ikau, amun hanimpah batangdanum, te kare dehes jatun akan mambuseng ikau; amun ikau mananjung mahurui apui, dia ikau akan bakehu, tuntang nyalae jatun akan kuman ikau. ³ Karena aku tuh Tuhan, Hattalam, ije eka karasih Israel, Jurusalamatmuh; aku jari manyarah Misir, Ethiop tuntang Seba indu gantim, hapan manewus ikau. ⁴ Basa ikau barega intu matangku tuntang ihormat, tinai aku sinta ikau, tagal te aku manenga kutuh uluh indu gantim, are utus uluh takirin hambaruam. ⁵ Ela mikeh, karena aku mampahayak ikau; bara timur aku handak halalian panakam, bara barat aku handak mamumpung ikau. ⁶ Aku handak hamauh dengan utara: Lian! Tuntang dengan salatan: Ela mangahana! Agah kare anakku hatue bara kejau, kare anakku bawi bara saran kalunen; ⁷ genep biti, ije jari inyewut tumun arangku, ije injapa awiku indu hormatku, ije inawas tuntang injadian awiku.

..... Sampai hete auh Hatalla ije imbasa akan itah katika toh : “Salamat oloh te, ije mahining auh Hatalla tuntang mahagae jete huang pabelome”. (Lukas 11 : 28)

7. **MANYANYI** bara **nyanyi tara “ TATEAN S’LAMAT ”**

8. **MAMBARITA AUH HATALLA (P)**

- a. Mambasa nast tumon je inukas huang Almanak GKE: **Ewanggelion, inyurat LUKAS** bagi **3** baris **15** sampai **22** :

Johannes manyuhu oloh hubah hayak mansanan Jesus Kristus

3 Maka amun oloh are mentai, hayak samandiai madu huang atei, mikh Johannes Kristus te. ¹⁶ te tumbah Johannes, kua dengan uluh handiai: Aku tuh mampandui ketun hapan danum; tapi atun dumah ije kuasa bara aku, ije akae aku jatun baguna mengkak talin sarumpahe; ie kareh mampandui ketun hapan Roch tuntang apui. ¹⁷ Huang lengee atun kiap; ie kareh mamparasih para huang karajae tuntang manampunan parei akan huang lepaue, tapi apis kareh inusule hapan apui ije jatun tarabelep. ¹⁸ Maka mahapan are auh beken hindai, ie mansanan Ewanggelion akan oloh are. ¹⁹ Tapi Herodes, raja tanah bagi epat te amun ie impuji Johannes tagal Herodias, sawan paharie Pilippus tuntang tagal taluh papa handiai, ije iawi Herodes; ²⁰ te ie mandahang kapapae hindai, awie manutup Johannes huang sipir.

Tuhan Jesus impandui

²¹ Jadi, amun oloh are impandui tuntang Jesus kea impandui hayak balakudoa, te langit buap, ²² palus Roch brasih muhun akae habereng, jaruwa ampin burung dara; tinai atun auh bara langit, kua: Ikau tuh Anakku ije eka huangku, ikau ije ingilakku.

b. Lakudoa pandak

c. Mambarita Auh Hatalla

d. *PUJI-PUJIAN* :

e. **BALAKUDOA SAFAAT,**

inutup dengan Lakudoan Tuhan : APANG IKEI IJE HUANG SORGA ! ARAM BUAH IMPRASIH. KELEH KARAJAAM DUMAH. KAHANDAKM AKAN MANJADI KILAU HUANG SORGA, KAKAI KEA HUNJUN PETAK TENGA TALOH KINAN IKEI, OMBET AKAN ANDAU TOH. TUNTANG AMPUN KARE KASALAN IKEI, KILAU IKEI KEA JARI MAMPUN OLOH, IJE SALA DENGAN IKEI. ELA MANAMEAN IKEI HUANG TINGKES, TAPI LIWUS IKEI BARA IJE PAPA. KARANA AYUM ATON KARAJAAN TUNTANG KUASA TUNTANG KAHAI PALUS KATATAHIE, AMEN.

9. **MANGAKU KAPARCAYA (L)**

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyama kalotoh :

“Aku percaya huang Hatalla, Baba ije jatun tikas kuasae, ije jari manjapa langit tuntang petak. Aku percaya huang Yesus Kristus, Anak Hatalla ije tunggal, tempon itah. Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Baba ije jatun tikas kuasae. Bara hete le kareh haluli uka mariksa tuntang mamaleh oloh belom, oloh matei, tumon gawie.

Aku percaya huang Roh Barasih. Aku percaya aton ije jalahan ain Kristus ije barasih, iete kare ungkup oloh barasih ije ihanjean Roh;

Aku percaya ampun dosa, kamisik bereng oloh matei, tuntang pambelom ije katatahie”.

5 5 | 6 5' 1 1 | 2 1' 4 4 | 3 2 1 2 | 1 . ||
Hale-lu-ya, Hale-luya, Hale - lu - - ya ! (UNGKUP TAU MUNDUK)

10. **MALUPUT PARAPAH (L)** Toh aton katika akan itah manyarah parapah.
Huang sembayang Minggu ka-due (2) tuh, tege tambahan kotak maju ka baun, akan mandohop keuangan Majelis Resort GKE Kuala Kapuas.

- a. Keleh toh itah mahining auh Hatalla bara II Korintus 9 bagi 6 sampai 7, ije hamauh :
 “Ije manawur isut, isut kea kareh inggetem, ije manawur kutoh, kutoh kea kareh inggetem. Tapi keleh genep biti manenga tumon puna katukas atei, ela dengan kanyasale, ela basa ie hajujuan, karena oloh ije rajin manenga, ingilak Hatalla.”
- b. **BALAKUDOA** : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.
- c. **UNGKUP MANYANYI** bara **Nyanyin Ungkup 306 : 1 - dst “ HUANG KARE GAWI AIM ”**

(UNGKUP MENDENG)

11. **BERKAT TUHAN (P)**

Keleh toh buli dengan kasanang tuntang tarima Berkat Tuhan :
 “Keleh Tuhan mamberkat keton, tuntang mangalindong keton.
 Keleh Tuhan manyangkowong baue tambuan kenton tuntang masi keton.
 Keleh Tuhan manyangkowong baue hunjun keton, hayak manenga kasanang akan keton”
 (Numeri 6 : 24 - 25)

1 . 2 3 | 4 . 3 . ' | 2 . 1 . ' | 4 . 2 . | 1 . . . ||
A - - - - - men a - men a - - - - men.

SALAMAT ANDAU MINGGU.. HATALLA MAMPAHAYAK ITAH SAMANDIAI

42b. SORAK, LAHAP RAMI-RAMI.

C = 1 **Lago : Eweh tawon oloh kanih.**
4/4 **L.N. No.21.**

1 . 2 3 1 | 3 4 5 5 | i 7 6 5 3 | 2 2 i . : ||

So - rak la - hap rami - ra mi, am - bo auh ka - hanjak toh!

Im - bit hormat trima - kasih, kan pa - ne - wus ayum toh!

3 . 3 2 2 | i i 7 . | 6 . 6 5 i | 2 7 i . ||

Kra - na Tuhan pang - ka - hai ma - rar i - kau ungup aie!

2. Ela mikeh, ela runkok,
 ela magon nyukok wei!
 Aloh jalam jari bingkok,
 Tuhan mampun dosam te,
 dan mamprasih ateim toh
 toto hapan kuasan Roh.

3. Hapan asi katatahi
 Tuhan marar ikau toh,
 mampong ateim tuntang masi
 hapan sinta, hapan Roh.
 Ikau eka sinta aie
 palus sampai katatai.

180. KASAYANG TUHAN DENGAN ITAH.

G = 1

Lago: L.N.No. 66.

3/4

5̣ 6̣ 7̣ | 1 . 3 | 2̣ 1̣ 2 | 3 2 0 |

Ka - sa - yang Tu - han de - ngan i - tah

O hi - ning ke - ton hi - ning bri - ta

2 3 4 | 5 . 4 | 3 . 2 | 1 . 0 :||

ka - sa - yang i - je to - to hai.

je ho - ran Tu - han pang - ka - hai.

3 3 3 | 5̣ 4̣ 2 | 4̣ 3̣ 1 | 3̣ 2̣ 0 |

mampra-han sin - tae, a - sie aie,

6 5 4 | 3̣ 2̣ 1 | 2̣ 1̣ 7̣ | 5 . 0 |

ka - sa - yang i - je to - to hai.

6 5 4 | 3̣ 2̣ 1 | 2̣ 1̣ 7̣ | 1 . 0 ||

ka - sa - yang i - je to - to hai.

2. Kajake patut buah aku,
toh asin Tuhan denganku.
Hung Yesus aku sondau toto
kaliwus bara dosanku.
Toh awi en manjadi te?
Kasayang Tuhan manun te.
Kasayang Tuhan manun te.

3. O Tuhan keleh ikau masi,
mahaga aku oloh aim;
te aku mimbit trimakasih,
mambrita tara dan kahaim.
Dan amon lepah umurku,
tarima aku, Tuhanku,
tarima aku, Tuhanku.

NU 306. HUANG KARE GAWI AIM.

F = 1

Lago: L.N.No. 43.

4/4

1 . 2̣ 3 5 | 4 6 5 . | 1̣ 5 5̣ 4̣ 3 | 2 . 1 . :||

Hu - ang ka - re ga - wi aim i - ngat Tu - han Ye - sus

ma - ngat huang i - e wei i - kau tau ma - la - luse.

5 5 5̣ 4̣ 4 | 3 5̣ 3̣ 2 . | 5 5 5̣ 4̣ 4 | 3 5 2 . |

La - ku in - tu Tu - han te, u - ka i - e me - lai

^p 1 . 2̣ 3 5 | 4 6 5 . | 1̣ 5 5̣ 4̣ 3 | 2 . 1 . ||

ran - tep dengam ha - li - ai, handau dan ha - ma - lem.

2. Sana ikau misik, yoh keleh blakudoa,
mangat Tuhan awi Roh, magah buah-buah
ikau huang jalan aie, sampai ikau sanang
dan paabas atei aim, uka ikau manang.

3. Asal kare gawim te patut huang Tuhan,
jete buah hali ai tuntang manatean*
kutuh berkat ije hai, hetoh mahin kea,
tinai slamat katatai jeha huang sorga.

4. Yoh pambelom ayungku toh inyarah akam;
Dohop mangat aku tau magon rantep dengam.
Aloh belom matei, yoh, aku ayum Tuhan;
tagal jete aku toh haus manara aram

"TATEAN SLAMAT"

OH APANG,
JE HUNG SORGA..
T'RIMA KASIH
AKAM WEI..

IKAU BEWEI,
TATEAN S'LAMAT..
PANEWUS.. DOSANGKU..

OH APANG,
JE HUNG SORGA..
TUH UNGKUP
AIM MANARA..

IKAU BEWEI,
TATEAN S'LAMAT..
KAHARAP.. KATATAI..

Reff :

TARA ARAM
JE PANGKAHAI..
DENGAN KARE BERKAT
PARAPAH..

AMBU AUH NYANYI
KAPANIA..
DENGAN KARE
MALAEKAT TUHAN..

BASARAH HALAJUR,
HUNG KUASAM..

*) manatean ----- bara : tatean = jalan, lampat manjadi jalan.